

六

增
唐

祠
宇
寺
觀

202201183

SP

部1906

常昭合志稿卷第十五

壇廟志

敘曰鴻文昔者忝貳太常卿過大祭祀率屬將事因獲與觀禮備哉燦爛矣退而讀邑志壇廟門所記者其規制雖隆殺不同而所以揭虔安靈則一也邑經粵寇亂毀於兵燹者大半邑之人以祀事所繫不敢廢墜凡廟宇之列在祀典者或重建或繕葺雖以物力之艱難未能一切復舊觀要足以陳牲醴肅拜獻矣獨諸壇壝闕於典禮者尤重非閭里所敢私議故數十年來迄置未舉而春秋禋饗亦往往簡畧從事今邑令惕然懼蹈慢神之咎乃就謀於邑

常昭合志稿卷十五

壇廟

一

之人而為次第興復計鴻文適修邑志謹詳纂卷端而凡禮當秩祀者亦備記之以資稽攷至於土俗祈賽之祠士庶報功之宇私家薦享之堂并類附焉從舊志例也為壇

廟志

社稷壇在鎮江門外每歲春秋二仲上戊日兩邑令會同致祭

丞簿部祀

謹案大清會典州縣各建社稷壇正印官主祭以各學教職糾儀以生員充禮生以掾史執事祭

以羊一豕一鴈簋簠各二籩豆各四讀祝三獻迎神送神承祭官暨陪祀官皆行三跪九叩禮

謹案舊志社稷壇舊在縣西一里

鎮志云宋時壇在縣治西今致道觀前民居其故址

也創始無考宋紹興間令陶任古修自撰社壇壁記

記文曰有民人

焉有社稷焉民為貴社稷次之臨民所重莫先於社稷也常熟之為邑亦古子男之國於邑之西所寄以奉社稷之祀皆

頽垣敗屋壇墮墮地任古至官之初會春祀莫違展俎豆之事以薦此誠念何以報神休而答陰貺越歲方鳩工而治之其所費不謀於公帑不假之民力亦取其有罪青而不麗於法者命贖之壯者獻其力富者助其資卒無異詞始於今年之孟秋報成於冬初其壇墮垣屋爲之一新雖無華麗亦使邑人知社稷之重察一官之所存焉紹興甲戌冬十月

熙開令陳映修詹儀之撰記嘉定開令葉凱修黃廬西撰記

記文畧曰開禧三年雪川葉侯凱來幸是邑有事於社稷侯往與祭顧壇墮之隳圯慨然語諸僚曰昔言爲幸有民人焉有社稷焉二者俱不可無也今祈報之祀廢而弗舉神降焉依民不受福坐視其廢可乎前人不相與相是役者何僚曰常熱爲吳會劇邑前乎緡縣章未幾而去者踵相接也或以財賦不辨去或以獄訟不理去或智及之力不能勝之又以廢事去備而道責猶不能免奚暇他及侯以爲不然天下事未嘗無興廢人實爲之豈有幸堂堂之邑先畏其難不爲之計乎於是莅事以勤行已以潔聽訟以公待人以恕始若悶悶不快人意侯守之不惑居數月果以政報上下晏安百廢具興又明年始議所以修社稷嗟夫社稷之初立其來遠矣記載不存歲月無所尋究修於紹興二十四年之冬十月至

常昭合志 卷十五

壇廟

二

清熙八年又修之以迄於今者三十載而侯又修之凡物之有與替固不偶然獨侯所謂人實爲之信不誣矣舊址築土爲壇旁上皆甃也易以動拔於是更以石垣分中外低者高之漫者飾之經始於嘉定二年秋八月告成於冬十月既落

而新之合祀風伯雨師雷師

屬應西 爲記 嘉熙開令王燾以體制未合地勢湫隘乃因故址闢

盧鎮琴川志云東西二十七丈南北十七丈按政和祀式參以朱文公問答及武昌記所載爲五壇四壝東社西稷居前北向東風伯西雨雷師居後南向與社稷相背中隔以牆壝皆三成前二壝址各方二丈五尺兩成三成各殺尺崇二尺後三壝址各方一丈六尺兩成三成各殺尺崇八寸壝四門社稷各壝方四丈五尺高三尺五寸壝坎二居壝外之西北風伯爲一壝方二丈八尺高二尺五寸雨雷師同爲一壝高如風伯而方倍之南北各爲齋廬三間

知蘇州府王遂撰記

畧曰端平更化之歲山陰王君燾來幸常熟比及三年教化興而賦役簡設壇以祀社稷而風雷雨附焉據本於朱文公鄂州社稷記伴來以圖請於郡太守曰子檢視壇壝之不如法者命有司修飾畢具掃地而更新之以莫奪庀具季夏乃

畢將以八月中辛集吏行事俾民與觀焉子其誌之余惟文
公所記一本政和新儀而類禮有書始自通典終於嘉定新
禮往往詳於裸獻陟降而畧於壇壝面嚮有所謂社東稷西
風雨少卻皆北嚮者有所謂同壇而其牲者於圖疑未合而
未有以證也意者郊所以祀天人君用之社所以祭地諸侯
用之惟天子爲能祀郊故得望祭百神若諸侯則止於社稷
故勾龍棄以功配風雷雨師以其陰陽晦明及百物者因類
而致之上不敢擬於太社王社之制下不與羣姓立社齒其
樽罍有數牲幣有式至於車服之微因其尊卑大小咸有科
級報本反始禮之至也而別嫌明微於禮之中又有禮焉子
曰明乎郊社之禮禘嘗之義治國其如明洪武三年始移今
示諸掌乎令之爲此庶乎其善治國矣

所龔志云壇圍一百五十丈有主石南向而別建風雲雷雨山川城隍神壇於

翼京門外 國朝雍正十年奉 敕就今所修建壇崇三尺

方二丈五尺錢志所記丈尺同四出陛各三級繞以圍牆四門紅油

自北門入其石主長二尺五寸埋於壇南正中只露圓尖石

常昭合志稿 卷十五

壇廟

三

主惟一無字外有神牌二以木爲之朱漆青字一曰常熟縣

昭文縣社之神一曰常熟縣昭文縣稷之神詳虞鄉志畧按此是鄧氏琳於

嘉慶年間就目見所記云自北門入又云石主埋於壇南咸正中是已遵照 大清會典改正北向與龔志所云異矣

豐十年毀光緒二十九年公議籌款重建

風雲雷雨山川城隍神壇在翼京門外每歲春秋二仲祭社稷

壇次日謹案 大清會典於春秋仲月諏吉雨邑令會同致祭儀注祭品與每

歲孟夏諏吉常雩致祭禮同每祭額編祭銀壹兩九分五釐

謹案舊志風雨雷山川城隍壇舊在縣西社稷壇內南向建

築明洪武三年始移今所增祀雲師陳志云漢唐宋風雷雨皆各壇以祭未嘗合而

爲一亦未嘗及雲洪武二年始詔風雲合爲一壇六年又以山川共爲一壇萬厯間令耿橘繹以

周垣崇禎八年邑人王夢鼎重葺 國朝雍正十年奉 敕
修壇崇三尺方二丈五尺四出陸各三級墻圍四百五十丈
繞以圍牆四門紅油正門南向設三神位一日風雲雷雨之
神居中一日常熟縣昭文縣境內山川之神居左一日常熟
縣昭文縣城隍之神居右 詳虞鄉志畧錢志云神厨房宰牲
房庫房齋宿房各三間滌池瘞坎
各一久 咸豐十年毀光緒二十九年公議籌款重建
已廢斥

常熟先農壇在翼京門外高邱上置堅號田六畝二分內四畝
九分爲藉田餘建壇屋每歲仲春亥日邑令致祭奠瘞畢出
至田所躬耕九推 謹案 大清會典儀注
祭品均與社稷壇同

昭文先農壇在迎春門外校場東置靈號田六畝一分內四畝

常昭合志稿 卷十五

壇廟

四

九分爲藉田餘建壇屋邑令致祭躬耕均與常熟同

謹案舊志兩縣先農壇並雍正四年奉 敕建陳祖范昭文

志曰壇高二尺一寸廣二丈五尺壇後正房三間中奉神牌

東儲祭器農器西藏瑞穀配房兩間東辦祭品西居佃農壇

前爲藉田 常熟舊志未見記載同
時並建規制理應相等 昭文先農壇前令勞必達

撰記 記文畧曰古者天子耕藉畿內諸侯耕藉境中漢晉以
來惟天子間一舉行未有推諸侯百畝之例通行於臣

下者也 皇帝嗣服歲舉藉禮爰命天下府州衛縣視九卿
所耕四畝九分之數於仲春吉亥致祭先農行九推禮自雍
正五年始必達承乏昭文膺茲曠典退而考諸傳記古藉耕
用孟春犁改用卯月古蜡祭先嗇在十二月而耕藉無祭禮
按啟整而耕是二月節用卯月宜也祈年田祖而後倣載則
先祭後耕義較長也日用亥亥爲天倉比百穀也此皆前代
已講求而折其衷者惟通行於守土之吏 咸豐十年壇屋並
則斷自今代獨出冠古者也謹記其始

毀兩邑令屆時除地致祭並行躬耕禮

陳志云祭帛支地丁銀供辦而縣案則云

有藉粗供辦

厲壇在鎮江門外社稷壇之東每歲清明中元十月朔三節兩

邑令迎城隍神主祭

每祭額編祭銀一兩九分五釐講案大清會典司厲之神縣稱邑厲守土官

祭以羊三豕三米飯三石上香祭酒行一跪三叩禮

謹案舊志壇高三尺五寸周圍二十步垣圍五十七丈六尺

明洪武四年立 國朝因之庫房宰牲房各三間並在牆外

東西向今並毀兩邑令屆時除地致祭壇有古松一株名四

拜松亦已久萎

舊有鄉厲壇在縣境凡六百十三所今悉廢

常熟護國城隍神廟在阜成門內大街

俗稱老廟

地方官朔望行香

常昭合志稿 卷十五

壇廟

四

春秋致祭

每祭捐廉銀二兩供辦

廟舊在縣治西宋嘉泰四年毀重建

明洪武三年改建於東靈寺故址即今廟是也宣德初移祀

於惠民藥局尋復舊廟中建殿四楹前有抱軒後有穿堂東

西有廡庭列古柏外爲重門石坊額曰威靈顯赫內闕寢堂

爲齋宿之所正統七年知縣郭南修邑人吳訥撰記

記文曰洪武戊

申詔封天下城隍神在應天府者以帝在開封臨濠太平府和滁二州者以王在凡府州縣者以公以侯以伯時常熟循

元制爲州得封城隍神曰監察司民城隍靈佑侯二年己酉州改爲縣三年庚戌詔定嶽鎮海濱俱依山水本稱城隍神

號一體改正仍頒格式蓋造廟宇屏去間雜及泥塑神像於是改題木主曰常熟縣城隍之神知縣田義以舊廟在縣西

十步者基地湫隘改造於西隅衮繡坊北即今廟是也四年特敕郡邑里社各設無祀鬼神壇以城隍神主祭監察官吏

人民善惡以貽禍福未幾復降儀註新官赴任必先謁廟與神立誓期在陰陽表裏以安下民祝辭儀註出自宸衷聖謨

洋洋發福善禍淫之機以警飭下臣至矣然吾邑建廟垂七十餘載朽蠹剝落日就傾圮今知縣事郭南深懼無以隔虔安靈捐俸貲以爲眾倡僚屬吏民相與協助迺市材購工經始於正統庚申十月落成於次年二月堂寢門廡宏壯軒豁視昔有加適予致仕歸老耆民李渭龍輩時稟等相率謁文垂示永久予惟明有禮樂幽有鬼神古昔聖帝明王罔不以事神治民爲先務城隍之祀經典弗載蓋後人因其保障民生以義而起者也迨宋姚鉉編唐文粹始載乾元中李陽冰縉雲城隍祠記然無所謂封爵配位也及元草廩先生吳澈記江州城隍廟後殿則曰江右列郡以漢穎陰侯灌嬰配食豈侯嘗定豫章諸郡而然歟自後繁褻日甚更始於我明歷歲云久或罔克遵吾邑得賢令屏除上偶惟建祠宇將見神罔怨恫物無庇厲邑人之幸豈淺淺哉

成化間知縣甘澤修錢溥撰記宏治十

年知縣王綸重修邑人錢仁夫撰記

記文畧曰常熟縣城隍神廟在縣治之西背山

而面陽有堂有寢左右有廡前有重屋爲門有道流以守之自成化初邑令澶淵卞侯宏濟撤其舊而新之歷今三十年來日就摧廢無以妥靈揭虔今令王君大經亦澶淵人也以進士領邑謁於神欲新其祠以歲歉不果踰三年爲宏治乙

壇廟

常昭合志稿

卷十五

六

卯政務粗理喟然歎曰廟之弗葺予則有咎遂捐已俸以倡而僚案相與贊成之始事於四月望日告成於五月之下旬堂寢門廡黝堊丹漆悉歸舊觀而又益以竹軒易新肖像邑之士紳嘉君之治民事神知所先後謀於仁夫請記其成立石以告

嘉靖間又修邑人陳察撰記 國朝順治間又修邑

人孫朝讓撰記康熙五十年道士王丹谷募建寢宮邑人蔣

陳錫撰記雍正七年重修知縣李惟一撰記

記文畧曰凡天

隍之神循名考義殆地祇之屬顧禮經所無莫詳自始禮祀天地神祇皆不屋而壇人鬼則以廟享城隍之廟享或亦禮之未失歟何孟春餘冬序錄謂鎮江慶元富國太平華亭蕪湖之神皆以爲祀信隆興贛袁江吉爲灌嬰則固以人鬼事之矣前明之初蓋嘗釐諸祀典正其名號而今視史之辭率仍舊封在成化中前令郭君嘗遵制屏土偶用木主而今仍用像設豈以是爲致崇之意哉稽諸國故守土之吏始至必齋宿廟下朔望輒燭蕭致敬水旱癘疫之作禱於廟如走羣望焉廟而祀之崇構而增飾之以示神威而答靈貺良不爲過常熟縣城隍廟在城之兌隅雍正戊申子始蒞茲邑則肅

拜廟庭視其棟宇將就毀頓顧念民力之絀未敢謀更新焉
居二年歲比有秋由是士庶協謀甃磚楹桷葦致相屬百工
藝事各畢其長自堂宇達於門荷撤而新之經始己酉之夏越月告成
乾隆四年道士李宗尹
募脩督糧道馮景夏撰記二十年道士金宗霖於寢宮後募
建後苑數年乃成臺榭著勝邑人蔣溥題曰瑤圃珠宮廟東
偏爲道士所棲止向稱清都道院咸豐十年後苑被毀廟宇
僅存同治光緒年間陸續修葺

昭文襄順城隍神廟在賓湯門內大街

俗稱新廟

地方官行香致祭

興常熟同廟於雍正十一年知縣勞必達以錢宗伯故居改
建乾隆三十二年知縣何奏成重建大堂四十一年知縣林
培選率邑紳集貲重修培選撰記記文畧曰雍正四年始析昭邑其時漢陽勞公蒞任

常昭合志稿

卷十五

壇廟

七

規模草創多從簡畧乾隆三十二年前令漳浦何公鳴工庀
材撤其堂堊移建於後而崇大之會以事去表觀厥成四十
一年春余承乏斯邑閱一載豐人和燕日從事自重門以
至寢宮下逮廊廡考及道流棲止之所罔弗整飭凡費錢若
千皆邑人所踴躍樂輸者也四十四年春廟既落成邑人請
記顯未遂爲之記如右若夫董督工役則候補州判署昭文
縣主簿杜鑿邑人候選州同屈曉發原任貴池縣知縣言朝
楫原任甯國府訓導舉人周昂候選從九品曹廷鑰監生屈
文垣屈士銓本廟住持洪範例得附書

五十八年邑人公議令道士節縮社錢
爲歲脩費道光間增建後苑構花神殿夕陽紅半樓咸豐十
年後苑被毀廟宇亦損壞同治光緒間陸續脩葺

謹案明初封天下城隍神府以公州以侯縣以伯時常熟尚
循元制爲州故得封監察司民城隍靈佑侯洪武三年改正
祀典遂止稱某縣城隍之神 國朝因之同治元年降將駱

國忠就撫邑城克復國忠即葺治兩邑廟以昭歸正之意時
悍賊大股來攻國忠率軍民屢禱於神二年正月山顛所築
石營既破各門城垣亦多轟塌屢以神靈顯應賊不敢入二
月十八日官軍攻克福山城是夜神火忽發漫山徧野賊眾
驚遁危城獲全八年邑人蘇文海等據實具呈護理巡撫張
兆棟專摺具奏

畧曰蘇州府屬之常熟昭文二縣同轄一城於咸豐十年被髮賊竄踞同治元年冬間賊

將駭國忠抒誠歸正收復縣城後蘇常悍賊并力來攻於時官軍駐紮上海因崑山太倉未經克復難於援應情形甚為危急駭國忠因守八十餘日智力俱窮日率軍民人等禱於兩縣城隍神廟以期轉危為安二年正月初五日逆首李秀成率眾數萬攻破西山石營倉猝之際虞山門未及堵閉賊將驅眾直入忽城外煙霧陡起賊不敢進遂得堅閉城門賊復運火礮轟城環樓震塌幾為摧陷忽聞賊營有聲如雷賊礮無故炸裂城內人心始定嗣於二月十八日上海官軍航

常昭合志稿

卷十五

壇廟

八

海來援攻克福山孤城惟時常昭城外尚滿布賊蹤高築營壘為久困之計是夜神火忽發由福山塘直接虞山漫山徧野如大軍之率至賊眾驚惶逃竄自相踐踏死者無算縣城卒保無恙迄今居民言之歷歷無不稱頌神功據該二縣士民呈請奏懇 敕賜常熟昭文二縣城隍封號匾額以答神庥前來臣伏查廟祀正神實能禦災捍患有功德於民例得請加封號又准禮部咨嗣後如遇請加封號並請領城隍匾額只准稱某省府州縣城隍之神不准稱公侯伯爵等字樣以昭畫一等因今常熟昭文二縣城隍神於逆賊環攻縣城時顯昭靈應化險為夷實係保障地方默佑斯民仰懇 天恩敕加常熟昭文二縣城隍之神封號並 頒賜匾額懸掛於廟以順輿情而昭靈貺理合會同兩江總督臣馬新貽恭摺具 五月二十日奉

上諭江蘇常熟昭文二縣於同治二年正月間逆賊環攻縣

城時仰邀城隍神靈顯應得以轉危為安實深寅感著南書

房翰林恭書匾額二方交張兆棟祇領敬謹懸掛常熟昭文

二縣城隍廟用咎神庥應加封號著禮部議奏欽此旋奉到
常熟縣城隍神琴河昭佑匾額一方昭文縣城隍神海虞保
障匾額一方六月十八日禮部具奏議覆張兆棟奏請城隍
神封號一摺常熟縣城隍神封號奉

旨鈐出護國昭文縣城隍神封號奉

旨鈐出襄順欽此兩廟自同治二年以後雖經邑人及住持道

士疊次繕修後苑均未能復舊觀也

兩邑各鄉分建城隍廟甚多舊志均不載茲仍

其例而附見於市鎮志中

社稷城隍神廟在翼京門外

俗稱小廟舊志云距風雲雷雨山川城隍壇數十步

明知縣

楊子器撰記

記文畧曰古者社稷山川皆有常祀獨城隍之神未載典冊其廟防於唐爵號著於宋元我大

常昭合志稿

卷十五

壇廟

九

祖洪武二年命定城隍諸神祭禮三年復詔定城隍神號自
京都以及郡縣陰陽分轄一如京尹守尹守令職司于是神
之權始尊神之職掌始大洪武儀注有司下車必先謁廟與
神立誓期在陰陽表裏以安下民考之舊典有監察司民之
名福善禍淫神實默操其柄或天時水旱古之有事于社稷
山川者今皆禱之于廟神之靈爽當與社稷所得而儕者矣
予蒞虞每朔望必默禱于神為民祈禱仲春上戊親祀風雲
雷雨山川諸神于南郊之壇奉神以配之祭畢道從壇車歸
適見峻宇巍峩飛甍畫棟里人揭為社稷城隍廟予曰神有
兩廟乎父老皆曰神廟于此久矣前代廟壇並立享神于壇
旋卽藏主于廟官府因參謁不便後建廟于縣治之西北實
靈光故址也神靈赫奕尸祝不朽予曰神既有靈于與父老
其將徼福于無疆

國朝雍正六年常熟知縣李惟一昭文

知縣勞必達捐廉邑人謝晉捨宅地增修陶正靖撰記

見文畧曰翼京門外有社稷壇其東北十數步有廟里人謂之社稷城隍廟明令楊公子器嘗為之記所謂峻宇巍峩飛甍畫棟者今不可得見深廣僅一室門廡之制不備里之人荷神而病其卑隘也相與謀擴之購前後之民居而孝廉謝君晉復捨

其宅旁地遂撤而新焉最後爲廟前爲重門臨通衢其南爲臺臺之南爲大門廟於是翼然改觀庶幾稱揚公之初矣既成而屬余記詢作廟之始則以楊侯爲徵及求楊公文讀之則徵諸父老口神之廟於此也久前代廟壇並建享神於壇藏主於廟其後以不便祇謁乃立廟於縣治之西云按舊志壇本在城內洪武初始移於南郊神櫺三楹不患藏主無所而廟之在城內者並時營建父老之辭殆未足據也惟是壇壇之制久廢四出之陞省牲視滌之所至明萬厯中固已毀隳耿侯嘗緣以周垣今亦泯然爲羣兒嬉戲縱牧之場神之不甯弗顧享也託之於廟以城隍爲之主或亦亡於禮者之乎

禮東河下平橋街庶姓又集貲購地擴充廟制建造戲樓乾隆十四年竣工勒石記之咸豐十年毀同治六年邑人重建廟旁建立米業公所故廟亦歸米業公所兼管兩邑合分春常秋昭致祭捐廉銀二兩供辦

謹案鄧琳虞鄉志畧云社稷壇在北門外距廟甚遠不應稱爲社稷城隍舊傳明洪武中詔城隍神止立木主禁革土木

神像邑人因將城內城隍神像移至南門外壇旁齋宿房內謂之小城隍廟後禁稍弛城內城隍廟重塑神像而小城隍廟之神像遂謂之社稷城隍蓋土人誤認風雲雷雨山川城隍壇爲社稷壇因廟近壇故以名之耳若封爵稱忠安王則以蘇州府城隍之封爵而附會於此矣據此可知此廟本係風雲雷雨山川城隍神壇之齋宿房卽爲尊藏木主之所當時土人因舊有城隍神木主在此故就此移奉城內城隍神像迨後增拓乃成爲小城隍廟也竊思在壇致祭之城隍與山川並列爲地祇以坊與水塘例之似爲城池之神與鑿察司民之城隍神是一是二向無明文不敢妄測姑附識之

關帝廟常熟在阜成門內東嶽廟左昭文在賓湯門內方塔寺

西地方官朔望行香每歲春秋二仲及五月十三日致祭每祭

額編祭銀二十兩謹案 大清會典州縣武廟以正印官主祭後殿以丞佐等官致祭執事均以禮生前殿春秋祭陳牛一羊一豕一豮一登一劊簋簋各二邊豆各十七香讀祝三獻迎神送神俱行三跪九叩禮五月十三日陳牛一羊一豕一果實五盤不設邊豆後殿春秋祭每位前陳羊一豕一劊簋簋各二邊豆各八上香讀祝三獻迎神送神行二跪六叩禮五月十三日陳羊一豕一果實五盤亦不設邊豆

謹案明萬曆中京師萬壽宮內建關帝廟御製碑封為翌天大帝四十一年加封三界伏魔大帝神威震遠天尊關聖帝君 國朝順治九年封忠義神武關聖帝君雍正三年 命府州縣皆立廟春秋有司祭以太牢追封 帝君曾祖光照

常昭合志稿 卷十五

壇廟

七

公祖裕昌公考成忠公崇祀後殿乾隆四十六年加封靈佑

嘉慶四年加封仁勇道光八年加封威顯常熟廟舊在三元

堂明天順間移建今所萬曆末增建殿後三義閣 國朝康

熙十三年糧道遲日震修建門樓置香火田十四畝日震自

撰記門樓 尋廢乾隆十一年知縣張耀壁同邑人屈成霖李維銓

等重修增建儀門前樓五十四年知縣裴元長同邑人言如

泗又修移三義神像於廟前南樓而增建後殿咸豐十年廟

毀賊平後暫在紫金街膏 紹公所內行春秋祀事光緒七年知縣龍景曾率邑人屈

承幹成霖 元孫集捐重建前後二殿邑人潘欲仁撰記昭文廟係

雍正八年知縣韓桐建乾隆二十四年知縣康基田增建後

殿基川自撰記

記文畧曰雍正元年 敕天下州縣各立武廟春秋以大年致享月吉有司虔謁於廟乃

聽事尊如 文廟昭文初置縣立廟於城東方塔寺乾隆二年參議桐城姚公孔鈞縣令天中韓公桐改建新廟於寺之西南廟號曰帝承舊制也二十有四年基田始為茲邑率越三年因邑人請新故廟門殿廊廡及更衣省牲之所皆葺之更廣其制立寢殿三楹祀成忠公以上三世神主殿北樓五楹東為隙地舊有池池北有軒南有亭亭之左有小軒因曲而疏之臨池架水閣立舫齋迴廊曲檻蓋以嘉木園寢修焉邑之人士奔走赴功庀徒飭材不肅而治經始於乾隆二十有七年七月逾年新工 并置田四十餘畝又願楚寶捐田十告成乃書以勒之石

一畝零徐森玉捐洪涇壩民房二間為歲修費咸豐十年毀

賊平後暫在昭邑廟後 殿設位行春秋祀事 光緒年間集捐重建前後二殿

兩邑各鄉武廟甚多舊志均不載茲仍其例而附見於市鎮志中至各寺觀供奉神像尤不勝備記也

文昌帝君廟常熟在致道觀旁昭文在方塔寺右每歲春秋二

常昭合志稿

卷十五

壇廟

三

仲地方官致祭儀注與武廟同

每祭額編祭銀貳拾兩謹案大清會典以二月初三日

聖誕為春祭秋季諏吉致祭前後殿一切祭品及行禮儀注均與武廟春秋祭同

謹案迺考唐僖宗封梓潼帝君為順濟王宋真宗時改封英

顯王夢梁錄云宋封惠文忠武孝德仁聖王元加封為文昌

帝君 國朝因之乾隆間 命府州縣皆立廟嘉慶六年列

入祀典先代神位崇祀後殿禮秩與武廟等兩邑廟均於咸

豐十年被毀

城復後常熟暫在甯紹公所昭文暫在二郎神廟設位致祭

光緒四年邑人

屈承幹等集貲重建

各鄉亦間有文昌廟附見於市鎮志中

倉聖祠舊在三元堂同治年移祀於游文書院南廳光緒二十

九年設立小學堂議建祠屋於讀書臺北山麓上

謹案此祠舊志失載茲據處鄉志畧增補

呂祖祠常熟在阜成門內文昌殿後昭文在賓湯門外總管廟

內地地方官致祭每祭捐廉銀貳兩供辦三元堂舊亦有祠今廢

謹案大清會典稱燮元贊運純陽演正警化孚佑帝君

火神廟在炳靈公殿後每歲六月二十三日常昭兩邑令會同

致祭額編祭銀一兩九分五釐又春秋致祭每祭捐廉銀二兩供辦廟於乾隆五十

九年知縣王錦楊繼熊捐廉同邑人公修添建大門戲樓咸

豐十年後殿毀同治年重修炳公殿靈另詳後於

劉猛將軍廟常熟在阜成門外昭文在五渠有司每歲正月十

三日及冬至第三戊日致祭額編祭銀一兩九分五釐舊志云雍正十二年議定致祭禮謹

常昭合志稿 卷十五 壇廟 三

案 大寺會典祭以春秋 吉祭品禮儀與司厲之神同

謹案 大清會典將軍為元指揮劉承忠吳長元宸垣識畧云相傳神吳川人

元末官指揮有功後殉節投河民祀之其神主蝗蝻又王應奎制南隨筆云南宋劉忠號漫塘金壇人俗傳死而為神職

崇煌稱呼為旣將江以南多尊祠而丐戶奉之尤謹按漫塘即隰義役記者此說前人已辨之姑識於此

顯佑白龍神廟在頂山有司春秋致祭每祭捐廉銀三兩貳錢捌分五釐

謹案舊志廟建於宋太平興國中知縣蔣文懌撰有記文大

觀中縣丞陸韶之又撰白龍祠記記文日常熟縣之頂山世傳梁天監元年有村姥居

其東孕而生白龍失所往三日龍歸若就乳姥怖而死其家即所居葬之既七日大雨人家遷於山腹泉池泓演水無棲

禽歲之五月龍率來省或見形山間始必甚風雨既留則一境為之寒邑人以此候之唐貞觀十年龍嘗鬪異龍於海虞

山之東山石水泉出其下有破山寺今興福寺是也邑人因像事龍母子於寺西澗旁水旱禱焉本朝太平興國四年蔣

文澤爲縣令苦雨祈龍而霽令爲之增埤冢封濬治故池既又卜遷其像歸諸頂山寺是日有白氣離故地而龍見既至舍其像佛殿而徧而大治其祠宇結構之三日龍復見尾冢而首祠繼日日雲氣光色錯雜遠近見之祠成文澤爲之記迄今禱請多應其興起年世與變異事蹟舊碑實云大觀三年五月六日政和二年賜廟號煥靈

五年敕封宣惠侯縣丞魯詹撰記

記文曰政和二年漕臺以常熟白龍祠禱祈感應之

實聞於朝越明年制曰可宜賜煥靈廟爲額邑人以煥靈之惠著在一方面而爵號未崇無以昭神貺後二年縣以狀列於府府言於部刺史遂復保奏焉制曰可封宣惠侯於是縣大夫率佐官祗奉休命宣於祠下而邑之士雲集將退咸告於丞魯詹曰盍記之以多其事詹曰茲不敢辭惟侯之祠在破山澗上父老州傳其誕育之異肇自梁武初我宋太平興國中蔣侯文澤來宰是邑五年於此五百年矣時積潦泛漲禱於侯得霽歲則大獲乃迎侯與聖母像歸頂山壽聖院之西偏是日白道臺於家上彩雲煜耀乎山間迄今比一百有四十年載矣邑人乃作廟於山腰龍池上侯之龕在焉觀侯之初以神力遷葬而陰陽家咸謂勝地今新廟奕奕實下瞰焉庸詎知其非侯之意哉

紹興壬申加封通

壇廟

高

濟舊志云辛巳金人南侵高宗降祝文來禱時李寶奏海道之捷獲神將倪新股簡言曰當戰時有大龍舟出陣間旗

幟皆自上植一旗葦海虞山巔皓風肅大作衆因悟龍乃龍字諦者白也蓋龍助順云 高熙間加號靈

澤紹興間加號孚應嘉定中加號廣利進爵公封龍母爲靈

順慈穆顯佑普應夫人

在後殿供奉舊志云姥姓蔣

知縣趙崇志作龍湫

亭趙時侃撰記

記文畧曰頂山祠宮爲白龍祝嚴所祠之側踰百步有上方院院有秋泓水清可鑿旱澇

不爲之締舊傳嘗見白鰻於中故俗稱白鰻池實龍之棲也吾宗趙君崇志嘉定乙亥來爲縣大夫明年丙子蝗有自江北蔽天而入境者君率僚貳走祠下潔齋禱禳少焉龍見於天風雨驟至是日蝗悉隕於江以斃秋告旱君即湫乞水 時侃則時居浴院下腐渠汗漬謂神龍窟宅而若此沮洳非耶默與龍約雨若應祈當爲龍作亭以蔽湫之上且撤彼浴室前爲軒檻言未既風色慘變片雲布蔭峯隆嶽嶽若有驅導然隨車而雨遂彌百里罔不周歛乞成農扈糧事畢迺鳩石工迺命梓人以登以削始創一亭而湫其四隅巍然而覆翼之尋闢燥垢之地日南至縣大夫相攸築址白龍復

見婉如嬌如近橫兩山之嶺漏下十一二刻而藏冬而龍見非時也邑人故以為異於是士夫庶民庶謂宜假以光靈增其封爵策書中命以詔祠極迺上其事於部於部刺史次第聞於朝事下禮部太常合議條奏龍侯自靈澤宜惠通濟孚應而為廣利公龍母夫人自靈順慈懿顯佑而加普應且易懿以穆詔禮官議是鄉貢進士陶元善者克奔走倡厥事會鄉貴在朝路又從而候趣之告下神人驪喜於以答詔賜侈神功也惟軒楹未就願縣帑常在元枵之次是邦有寓公獨慨然捐錢以助其費君輔之私財一椽一瓦不以調民民亦不知有所受戊寅秋七月建屋三楹懷題美奐如輦斯飛繚以垣牆氣象闕敞前馬廐周公虎作龍秋二大字為扁榜趙君論書求時侃記顯末嘉定十一年九月

明洪武四年改封頂山太白龍神成化中知縣黃慶葺祠宇建龍池半山

二亭邑人羅俊撰記嘉靖中知縣沈宏彝重建龍湫亭於湫

北隙地崑山王同祖撰記 國朝光緒二十年江蘇巡撫奎

俊疏請 勅加封號並頒給匾額 疏明光緒十七年春夏不雨前過芒種秧苗未插官

常昭合志稿 卷十五

壇廟

五

紳會禱甘澍 三月十九日經禮部議准覆奏旋經內閣撰擬

封號字樣奉

硃筆圈出顯佑二字匾額字樣奉

硃筆圈出利溥中流四字欽此 傳志云自永祈禱顯邑侍御冷世光縣令係應時楊漣三公皆

勳虔過人神輒呈形明著響答又邑人陳璠父母沒廬墓六年目失明夢白衣老人治之覺而目已復明有僧見龍盤其墓大云又陳氏祖范曰龍神之祀於古無聞宋興始有五龍廟九龍堂之祈後且加號為王矣邑之白龍神所傳特與唐皮日休記並未及母事不語怪也又長洲縣陽山有小白龍神宋胡偉記其事絕相類彼母姓廖事在東晉隆安中先此數代不知明初封典何以小彼而大此也又浙東樂清縣有龍母廟母姓江樂清志云龍去廟食常熟又吳郡續圖經云父老謂母歲有龍往來於陽山虞山間然則廟左偏附建樂清陽山虞山之龍一乎三乎或傳聞附會乎

呂祖祠有宋隆興間主簿趙彥清撰僧慈悅遇呂真人記石

刻記文畧曰僧慈悅結廬于白龍寺前向得水腫疾屢投藥石弗瘳一日有客自云姓回忽至龍祠音容異常入見慈悅甚憐其病遂以指甲割其股腠水即潰而腫消又以藥一丸教用商陸根煮湯服之兩日遂痊初不悉其為何人也後兩月有客云來自嶺安因觀普陀至此以畫一軸授慈悅曰吾所畫也須臾而去及展視之乃薛荔所覆呂真人之像方悟前姓回者即居也子因禱祠慈悅以告子故刻石記之

公漣像

向後啟門並無胸脯或云係魏闖毀祠時邑人昇藏於此

前殿右夾室奉前合應山楊

周孝子廟在儒學後

俗稱周神廟其巷名周神廟街

每歲九月二十一日為神

誕辰有司以少牢致祭

謹案孝子事實詳人物志宋清祐初邑人陳權薄立廟祀之

即今廟址十二年邑人國子監進士趙必錡進士孫桂文耆老朱

成魏慶趙明等以靈蹟狀聞於朝

畧日神歿於清熙間歿後一日降於其家告其母曰

常昭合志稿

卷十五

壇廟

六

兒已為神發誓輸忠朝廷盡力鄉井經今七十餘年凡水旱癘疫軍期往來經過有禱必應其顯然在人耳目者一清祐元年州縣旱蝗朝廷行下撲除官吏遍禱祠廟而神顯身雲表空現旗幟一夕掃蕩蝗孽遂息是年得熟一常年冬猛虎入境擾害生靈官吏禱於神隨即捕獲一淳祐二年夏秋霖雨彌月郊境泛漲官吏禱於神隨即得霽是年稍稔一清祐三年賊口通州本縣福山正與對境民情皇皇官吏禱於神俛半現形空中次日賊退走一軍期過境全節防江船隻及水軍打餉將吏禱於神未嘗失陷一邑凡有疾病疫癘禱之於神皆獲全活委實於民有功乞送禮寺照應擬封廟行

賜廟額曰靈惠

原牒文刻石見金石志

元泰定間報慈寺僧耀募邑人

楊氏建前軒并後寢奉神父母明洪武四年敕封周孝子之

神

錢通碑云廟旁紫蘇山積蓋神以此愈疾緣神母嘗餌之自愈其疾也

正統初知縣郭南率

耆民平豫等修王士嘉撰記正德間邑人戴孟威等修陳播

撰記嘉靖間道士陸允修等募修陳寰撰記 國朝康熙九

年修咸豐十年毀光緒二十年重建

廟中靈應碑記 俱見金石志

唐墅

鎮周孝子廟創自宋代明張采撰碑

碑文畧曰神固唐墅人 吳地處處建廟常熟在

祀典而唐墅 事孝子尤專

又市澤為孝子故居亦有廟

邑境周神廟東 尤多不勝詳記其

較次者附 見市鎮志

天后廟一在西街

俗稱天 祀宮

一在福山鎮有司致祭

每祭捐廉 銀叁兩

謹

案夢梁錄云天妃宋都巡檢林愿女宣和間封靈憲夫人後

加封協應善慶聖妃護佑海舶其功甚大閩人呼為媽祖舊

志云元至正十年封天妃父為種德積慶侯母為育聖顯慶

夫人 國朝康熙二十二年封妙昭靈感仁慈天后乾隆間

加封誠感咸護四字今應欽遵 大清會典稱為護國庇民

常昭合志稿

卷十五

壇廟

七

妙靈昭應宏仁普濟福佑羣生誠感咸孚顯神贊順垂慈篤

祐天后常昭城內廟創始無考咸豐十年毀同治間重建福

山廟乾隆間海舶商民建咸豐十年亦毀同治九年商民集

貲重建殿宇宏整

馬王廟在福山鎮每歲六月二十三日由營員致祭

謹案廟祀天駟房星之神

石梅馬王廟 係里民公建

大纛之神無廟每歲霜降由營員在演武場致祭

以上兩條據 虞鄉志畧增

以上為兩邑秩祀

東嶽廟在阜成門內山麓

盧鎮琴川志云東嶽行祠依山高聳 規模雄偉歲久摧圮屢經再新然創

造之由無碑可考桑志云清熙九年建 錢志第宅門載有延祐九年給守廟徐亨帖云廟基二十六

嶽三角則殿西南為三法司殿鄧氏琳曰道家以三法司為

宋建明矣殿西南為三法司殿嶽廷司刑之職其神一為朱

文公一為包孝肅一為芙蓉館主丁度然未見所據東西有二井建亭覆之殿前有甬

道下屬通衢甬道東建朝房五楹西建天庫圍以牆而不屋為焚冥

邑人錢時俊修國朝康熙間於廟後建五嶽樓乾隆間錢

鵬飛楊觀光重修王應奎撰記記文畧曰虞山蓋有十景焉

琳宮參差上下其間神祠之最鉅者蓋莫如東岳行宮云考

舊碑知為宋清熙九年建明萬歷間邑人錢副使仍峯重修

距今又閱二百年矣垣頽棟壞幾不可支會副使之族翼若

翁顧瞻興歎以為及是不修其後將不可為於是與同志揚

君矢心協力庀材鳩役經始於乾隆某年越明年而訖工落

成之日翁乃不鄙謂子卑以一言記之顧予竊有疑於此按

泰山為五岳之宗兩山巖廟祀專奉碧霞元君無過而問天

齊仁聖帝者而聖帝香火反在下邑此可疑者一泰山在魯

常昭合志稿 卷十五 壇廟 五

境內按禮惟諸侯得祭其境內山川今嶽廟所在多有而祭
祀轉屬編戶此可疑者二又五岳皆有神而民間獨祭泰山
與五方皆有神而民間獨奉元武者正同此可疑者三也然
而人之所信則其神必靈往往禱禳禱祈咸若有答焉者雖
聖人建天地山川之祀皆興於人意不過如此况古者疾病
不愈則謁太山而請命焉自東漢已然若是乎人之生死禍
福神固有得而主之者夫以生死禍福之說鼓聾震聵俾生
其懼思而知為善去惡此即古人神道設教之意也錢翁此
舉倘亦有此意乎

泗記撰記文述者善劉毓俊首捐千金紳士繼咸豐十年毀

同治二年守將撤某姓廳材改建正殿規制卑狹非復舊觀

後數年邑人集貲重建三法司廟及天庫繼又重建五嶽樓

以為羽士棲息之所亦頗簡陋又福山東嶽廟宋至和七

年建元符間增拓魏邦哲撰記記文畧曰維我真宗皇帝東

幸泰山修封禪禮泰山之神

位號崇隆四方萬里立為別廟多矣然未有甚於姑蘇之福
山也福山廟經始於至和之初拓地增廣屢見改作富者輸
財貧者出力垂六十年樓殿門廊并諸從舍巍然輪奐猶弗
休工而停役資信施於一方未必能爾也江淮閩粵水浮陸
行各挈其所有以輸歲時來享之誠者上祝天子萬壽且以
祈豐年而後保其家凡有求必禱焉率以類至號曰社會簫
鼓之音相屬於道曾不知幾千萬人不及之乎泰山則之福
山而已非靈貺感召有是乎福山臨江海上巋然蒼鬱岡巒
回環殆亦勝地父老云肇祀之日有幅畫乘潮水至乃嶽神
像居民得之欽事而加信焉隱顯之情相與符合如此嘗考
山之隸於吳域曰覆釜蓋因其形似後易名福山今廟據
其上遂為遠近祈福之地豈偶然也哉政和七年八月

興三年知縣施堦修李薰撰記元至正二十年重修遂昌鄭

元祐記

記文述知州王某重新廟制並祀福濟李侯又於廟作天妃宮復建方丈室以居司廟之人又作官廳以

待守

明嘉靖末毀於倭寇

琴川志云廟貌威嚴禍福顯應有胡子文者因醉侮慢善惡判官神

怒譴之事見夷堅志又花當閣叢談云廟塑鄴都獄狀甚獍惡又為關展設伏地下人不知躡之則有羣鬼萃而搶焉殿

常昭合志稿

卷十五

壇廟

九

堂闌寂即白晝非挈伴侶不敢入

國朝康熙五十一年重建咸豐十年復

毀同治三年僅重構三楹及圍牆天庫有天鑪一座相傳為

宋時舊物

李墓橫涇梅李鎮西周市五渠嶽廟皆建自宋代唐墅廟乾隆年建餘附見於市鎮志中

謹案福山等處有玉皇閣均係里民私建規模狹隘褻瀆殊

甚虞鄉志畧乃列之嶽廟前查舊志不載今從之又舊志有

三皇廟祀伏羲神農黃帝元延祐五年知州朵兒只建於招

真治東李良遇撰記蓋為醫學特建之官廟也

其時醫戶蠲徭免役開設

科場選舉文業與儒家等故建此廟為醫學

明正統中廢

宏治中楊子器即其地為射圃提學御史陳琳

講射於此後改為里社壇嘉靖間道士別構三皇閣於山東麓

虞山勝地紀畧所云

在地藏殿之上者即此

亦久廢又鎮江門內舊有岳鄂王廟邑人黃泰

所建今遺蹟亦無可考

又邑人王澄獲一宋高宗所賜秦檜家廟銅鼎乃即家山作萬松樓以祀

武穆而以所得鼎奉焉又範銅為檜像跪於鼎足間見陸深所撰銅鼎記今萬松樓亦久圯附志於此

東平忠靖王廟在嶽廟左宋淳熙九年建明嘉靖間邑程氏修

錢仁夫撰記

記文畧曰東嶽行宮左為東平景佑真君神廟舊傳神為唐雒陽張公巡也以南霽雲雷萬春

配食邑士夫瞻拜廟像莫不肅容起敬而大司空程公原伊事之尤謹司空沒其子姓克承先志今廟歲久傾圮各出私

帑市材鳩工旬月之間美輪美奐

國朝順治十三年邑人王履昌重修康

熙五十九年張文揚又修乾隆二十四年屈曾發又修張大

受撰記道光十八年邑人又集貲重修咸豐十年毀今存廟

基

善志云神本祀淮陰人張有嚴之子唐開元元年八月十八日生十四年七月二十五日沒而為神護國救民封成

濟侯宋太祖征太原川水泛溢上憂之冰忽合師遂濟空中見神來朝加封徵應護聖使者熙寧五年加封濟物侯再封

常昭合志稿

卷十五

壇廟

三

忠懿文定武寧嘉應侯南渡後神復響答於浙累封東平忠靖王邑人尊祀之明宏治中查毀淫祠遂以唐張睢陽實之像作厲鬼以殺賊之言也

孚應昭烈王廟在嶽廟右明洪武十二年建 國朝乾隆十二

年重修久廢而基尚存

舊志云神事蹟無考後因東平廟祀張公巡遂亦改祀睢陽太守許公遠

謹案 大清會典張巡稱顯佑安瀾甯漕助順之神祀於浮

梁丹徒清河許遠稱威顯靈佑王祀於山陽之高堰吾邑非

秩祀之地惟自明宏治改祀以來士人尊祀惟謹分建廟宇

甚多其合祀兩公者稱雙忠廟

福山城內雙忠廟萬曆年又建今廢謝橋亦有雙忠廟

張亦稱上相廟許亦稱下相廟

城鄉東平孚應雙忠上相下相各廟甚多間附見市鎮志

鴻文案管一德管七廟訛稱二聖雙忠廟係管副七所建則邑人祀張許二公自元代已然謂東平孚應二廟為明宏治

中查毀淫祠始以張許二公實之者其說恐亦未確也

劉太尉廟

亦稱中山永定公廟

在孚應王廟右東向祀宋江淮制置使太

尉劉錡宋時建元至正三年修明宏治間邑人王室重修嘉

靖間室子環再脩鄧穀撰記

記文畧曰祠在山南麓嶽廟右有石識云乾道未按察胡榮建

考之南渡官無按察轉運使判實其任豈胡嘗為之與祠至元而做當其時相傳有白馬自外境入祠中不去修祠者因導之以哀衆財事頗異我明邑人事公尤謹成化中修其做者鉅姓王民潤嘉靖十六年其子環嗣新之而省撤金泰者人唐瀾以衆力助先是門限於崖石爰伐去之廣其址祠右為室六楹而臨湖吳中諸山可坐挹以其一為守祠之舍總費金六百而請予記 萬厯間環孫嘉定又脩翁憲祥撰記 國朝順治

間嘉定子夢鼎夢盈又脩孫朝讓撰記乾隆二十九年王氏

裔孫又脩邵齊然撰記今廢而基尚存

城內衢橋塊城北秦坡澗福山鎮東徐市

常昭合志稿

卷十五

壇廟

三

皆有廟餘廟甚多或稱為劉神廟散見市鎮志

謹案劉太尉廟舊與關帝廟及東平孚應二王廟均為嶽廟

之輔弼張應遴虞山勝地記所謂左右殿奉關壯繆張東平

許孚應劉節使都天傳奏諸神是也孚應太尉兩廟前圮關

帝廟東平廟毀於粵寇今惟關帝廟以在常邑祀典業經重

建餘則僅存廟基

東平孚應二王今有塑像在嶽殿內

舊時雄麗規模深恐日

久難考故雖片瓦無存仍詳悉記載

魁星閣在閣老坊久廢同治七年里人集貲重建

城鎮分建者甚多不備記

清源妙道真君廟

俗稱二郎廟

在鎮海門內宋時周虎撰記

記文曰開禧二

年虜人合諸道兵長驅入寇和州虎方奉詔守光楚刺和時虜勢孔熾倉卒戰弗利城幾陷會虎方夢見一鉅人冠三山

冠衣白袍謂余曰忠義者神明所默佑吾隋人趙昱也知子有忠義心以故至此以助子當益奮其力護衛一方民虎驚起而歎曰是何神也豈可愛尺寸膚不為社稷計遂進部下合於衆曰吾奉天子詔為國家守臣今虜寇充斥如此惟有死報而已庶上不負天子之付託幽不負神明之告戒遂虜合戰鼓譟入城闔風霧四塞咫尺弗克辨未幾俄有光燭塞前奄見一人躍馬持杖冠袍一如所夢越官軍風霧尋消士卒蓋有生氣殆默佑虎者虎乃三十三戰王每昭靈而無一戰不克間或病卒起呼王即應而夕即報瘳由是軍勢大振殺虜騎將以千數最後射死右帥石砮磔虜既沮折大劔引去和始安城得以全而江淮無恙王之功實居多矣虎載其清國功佑民力闢上乞崇徽號貌於和使其邦世祀於城不忘也天子曰俞封護國聖烈昭惠靈顯仲佑王龍章錫號是廟實由作始王從李珣隱於青城山自負奇節能為人下隋煬帝偉其才起為嘉州牧方以繼龍之害民皆瞽瞍早不防募王出奇策以除郡人神之隋亂隱去不知所終江水泛溢防斷不補蜀人見王青霧中乘白馬超波而過水患遂平民德之建廟灌口以昭其靈異唐太宗時上不豫禱於王疾遂廖詔封神勇大將軍明皇幸蜀護蹕有靈加封赤城王我真宗命張乖崖平蜀賴神相告戒言於朝改封清源妙道真君

常昭合志稿

卷十五

壇廟

三

至其起仙洞震靈闢破妖浪神含沙歷歷見功莫可以悉嗚呼王之護國益民勵將兵除天下害而受天子知以承洪惠舊矣至是復有茲舉者蓋王之功有力於昔王之惠益崇於今虎以吾邑有廟在拱辰門內蓋邦人以神能平江患去災弭禍故祀之如此虎謁焉見椽桶煥然屋瓦廊廡基宇廣袤悉如制思前豐功偉績遂勒於石以垂不朽

十一年知縣楊子器改為報功祠祀夏忠靖原吉周文襄忱

邑人陳播撰記

正德中鄉人王會等赴闕具陳廟不可改之由禮部

劄本府勘結復舊邑人遂集貲修復鏹仁夫撰碑

額曰奉復二郎神廟

國朝道光二十七年邑人王元鍾重建後殿徐元達撰

記咸豐十年毀損邑人王紹沂等重修

邑人奉為水神向以僧人司香火

謹案 大清會典二郎神為秦蜀將李冰之子封承績廣惠

英顯王邑二郎神廟建自宋代神姓趙諱昱有周叔子碑文

可據且所稱清源妙道真君與李二郎神封號亦異鄧志謂祀灌口李二郎神殆因未見周碑歟

炳靈公廟在紫金街明洪武十八年建宏治間知縣楊子器毀

正德二年重建

後殿奉有司致祭之火神按文獻通考後唐長興三年詔以東嶽三郎為威雄將軍宋大

中祥符元年封禪畢加封炳靈公邑八奉為火神

龍王廟一在福山鎮天后宮右乾隆間修吳卓信撰記

記述里人陳沛

恩捐田樹基創大殿善士某等廓而大之復闢廟左隙地建天后行宮自丙戌至庚子十五年始克蕝事

咸豐間

毀同治九年重建一在白茆開口道光十四年修咸豐間毀

同治九年重建

水仙廟在翼京門外水墩

鄧氏琳云俗稱水仙明王相傳祀洞庭君柳毅按湖山便覽云水仙王廟

常昭合志稿

卷十五

壇廟

三

在杭州孤山路祀錢塘湖龍君意水仙王為湖神通號杭州水仙王既祀錢塘湖神吾邑水仙王自當是祀本境湖神也

陳武烈帝廟在翼京門外水仙廟旁祀隋司徒陳仁杲

虞鄉志畧神字

世咸常州人陳武帝從孫父季明公生於梁太清三年三月五日陳天康元年舉進士為侍御史隋大業間平賊長白山及江寧東陽數處歷任司徒娶沈法興女法興將叛忌公威名以食毒公公滌腸死見形雲中以神矢中法興斃之唐武德中郡父老上公忠孝文武信義謀辨八絕爰即公兵仗庫立祠封忠烈公梁加封福順忠烈王吳越攻常州南唐遣柴克宏赴援柴禱祠下神驅黑牛數百疾風迅雷助戰吳越兵潰加封武烈帝宋政和中改封福順武烈顯靈昭德仁惠孚佑真君明洪武初詔題木主隋司徒陳公之神又廟在石梅澗下今廢
考地勢當在翁氏祠右未審何年併入尊勝庵又不知何年改為甘露殿今止存廢址

祠山廟在乾元宮右祀廣德州祠山大帝張渤

明一統志成神武陵張秉之子

為祠山神神自長興鑿聖瀆十五里以通廣德役使陰兵事多靈異夢梁錄載祠山張大帝始封靈濟王累封昭烈大帝

宋改封正佑聖烈昭
德昌福崇仁真君

宋淳熙間邑人奉神像於乾元宮山門

東偏紹熙間別建殿祀之俗傳二月初八日誕辰牲用犬

總管廟舊在縣治西宋元祐七年道士時天佑建明宏治中改

為陰陽學遂徙於報本道院之右

舊志云神姓金諱元七其父諱昌宋澱山湖人父子

皆為神元至正間陰翊海運詔封金昌金元七皆為總管後
加封昌為洪濟侯元七為利濟侯俗傳總管神曾封隨糧王
未見所據單學傳敬遠宜參錄云嘉慶間南糧渡黃河夜大
風雨漲且決見前導巨艚張燈皆書隨糧王糧艘遂得安渡
事聞 敕封安樂王相傳 賓湯門外亦有廟 內附呂 又東
七月七日為元七神誕日

鄉長毫塘上總管廟名長毫廟

其餘各鄉總管廟甚多不備記

謹案光緒二十年江蘇巡撫奎俊以常熟昭文二縣向祀總
管神同治初年邑城收復屢經大股悍賊攻圍均以瀕危獲

常昭合志稿

卷十五

壇廟

五

安僉稱神佑疏請 敕加封號並頒匾額經禮部以揭送事

實冊內載金元七汴人扈宋南渡歿而為神考金元七姓名
不見正史且府縣志書或云一人或云二人無一定徵信之

辭復查禮部則例所載各神廟祀典並無總管字樣議駁想

當日原呈未能詳悉開明也

元時人名多繫行第如顧細二管副七等皆是也金總管父名

昌子名元七二人本極明晰考姑蘇志云神汴人姓金有二
十相公名和者隨駕南渡僑居於吳歿而為神其子曰細第
又為大尉者理宗朝嘗著靈異封靈佑侯侯之子曰昌第十
四封總管總管之子曰元七元至正間陰翊海運初封為總
管云云世系詳明原呈乃以扈暉之事亦屬之元七序述模
糊且 大清會典祀典中亦有總管字樣又不能援引為據
宜乎被
駁也

李烈士廟

俗稱李王宮

在致道觀西廡

神諱祿長與人及為神元封靈惠英烈福濟忠正王祠偏

吳下吾邑 宋景定間道士鄧道樞建願盟撰記記文日海虞之民有祠於

李王者為之言曰常王之顯於吳興也故宋嘉定十七年始生於吳興之長興長興為吳興之屬邑山水之勝鍾秀於民王生時有靈民以雨暘禍福之事叩之必應年十八告鄉人曰吾勤王事將適山東之膠西無還期也即匡坐而逝民以為神化無方其去也固不可測其歸也將何以棲其靈乎於是設嘉祠樹榮木以俟神之歸及其禱也如響斯答有司上其事是以錫賚屢至民皆仰焉寶慶初理宗踐阼以其兄為濟王賜第吳興舍山人潘王潘而潛通李全將挾濟王北渡全兵誤期不至潘懼謀泄急立濟王於吳興丞相史彌遠請師屠城師出埋宗夢有白衣者抵榻告曰臣李姓吳興土神也臣知之夫使濟王以潛竊者二潘也潘有罪宜加其身若屠城則一城之人草薶而禽獮無辜之殺豈忍為之理宗怪其事召史告之史曰臣夢亦如之遂命班師止戮二潘吳興之民得完皆戒子孫以奉王今惠天下之民佐水衡衛海漕時雨暘息災厲宜乎著之祀典加封爵於無窮也且虞山海尤近故知王之能顯於海漕無如茲民乃即致道觀西廡像事之禱者肩摩踵接病熱者乞香與水飲之瘰癧瘡疽者爐施燭膏塗之滯痢者搗庭柏葉吞之無不愈者民得全其生

常昭合志稿

卷十五

壇廟

五

其可忘乎哉敢以記請禮曰能禦大菑則祀之能捍大患則祀之以勞定國也呈宜書故為記
疾禦大菑也備海漕以給公上
益明張洪並有李王紀績碑
錢岱有神府記並見金石志
李王宮以烈士為觀之護法神建廟西廡屢著靈應邑人崇信故轉以李王宮稱致道觀或云唐代凡祀老子祠皆曰宮故致道觀稱李王宮
宮二說未知孰是

千勝小王廟在顏港橋南嘉慶年建

單學傳敬遠宜參錄云陳善杭州志張巡子亞夫以

巡死國拜金吾大將軍巡守睢陽善出奇敢賊亦名千勝將軍宋時附祀汴都巡廟南渡後杭人別祀於新安坊橋今吾邑稱千勝小王蓋因巡廟稱
張王而稱亞夫為小王也
咸豐十年毀同治九年重建
增奉東平忠靖王像按顏
港東半里許別有一廟

按北鄉二十二都又有小王廟

他處亦有奉千聖小王太子之神

虞鄉志畧云道家謂是東嶽帝之太子投九天傳奏千聖小王之職舊志未載附識於此

高神廟在縣西北鄉其地名高聖堂祀宋侍中殿前都指揮使高瓊瓊

蹟具見宋史俗傳會封武烈王未見所據里民集貲屢經修葺

褚太尉廟在福山江濱祀元太尉褚伴哥事蹟見元史及邑志人物志元至

正十六年建國朝里人屢加修葺順治十六年會顯靈驅寇康熙十八年會顯靈

驅蝗按沿江劉河東至上海皆有褚太尉廟本邑白茆一帶廟亦甚多茲不備記

華仙師廟在致道觀內祀漢神醫華元化陀俗直稱華陀殿咸豐十年

毀光緒元年重建聽松堂祀之靈籤係乾隆間言如泗范海觀郭汾等所設

痘司神廟在東平王廟前

常昭合志稿 卷十五 壇廟 美

魯班殿在嶽廟天庫西祀公輸子

黃孃孃廟在昭文老徐市祀元黃道婆顧崇善里睦小志云道婆為棉花祀也棉有草

木二種古止有木棉名吉貝禹貢揚州織貝蓋即指南粵木棉言之六朝三唐間有人中國製為衣者若草棉則自元至正間松江府東五十里日烏泥涇其地高仰不宜五穀忽生草棉甚茂或曰偶傳木棉子之變種也土人未能用黃道婆適自匡州來匡州木棉所出地乃以木棉軋彈紡織之法教土人大獲其利由是大江南北地之高者無不種之而習其事焉道光十年上海紳士蕭淮立祠列祀典稱黃孃孃廟鴻文案王逢梧溪集有黃道婆祠詩序云道婆松之烏涇人少論落匡州元貞間始遇海舶以歸躬紡木棉花織匡州破自給教他姓婦不少倦未幾被更烏涇名仰食者千餘家及卒鄉長者趙如珪為立祠後兵燬至正壬寅張守中遷祠復祀云云則道婆之有祠其來已久不始於道光間矣里睦小志至正紀年亦誤元貞之距至正相後幾五十年也守中即海道萬戶張瑄之曾孫

金童神廟在北鄉地名金童廟橋祀金姓童子相傳設為水神莫詳年代籍貫亦不審封號及

始祀年月城內北水門街亦有一廟已廢
基址尚存至金童子巷或亦舊有神廟也

以上土俗所祀

徐偃王廟在邑西界或云即晏林庵

琴川志在縣西四十二里
永春鄉盧熊府志在縣西

四十里膠山近江陰永春鄉按虞鄉志畧云相傳偃王失國
至膠山而終人立廟祀之膠山莫知其處又韓文公記徐子
章禹被執於吳子弟散處徐揚立廟以祀其先王據此所
祀究不知何人廟亦不知何在但舊志相沿已久姑志之

吳王夫差廟在縣西虞山南麓

見吳地記宋熙寧間
道士李則正重修

越王句踐廟在縣北虞山東麓

亦見吳地記李則正重修乾隆
甲戌里人移建於興福山門外

要離廟舊志云在縣西南四十里歸政鄉

莫耶廟

俗稱莫耶大王

在莫城

存一小廟按莫耶為干將之妻稱為大王何歟

春申君廟在練塘

明宣德七年楊師預修陳璘記畧曰相傳以
為黃歇考史記君嘗就封於吳初未聞其能

常昭合志稿

卷十五

壇廟

七

禦火災捍火患於吳不知其何自而血食茲土

東殿聖王廟在東殿巷久廢

後改為張修撰洪祠
今改為庵羅院尼庵

金李二司徒廟在金李巷

明代為衍慶里社鄉約所
有衍慶社碑見金石志

招寶七郎祠在慧日寺

朝元真官祠在致道觀

清真宮在星橋

屠太保庵在金童子巷

八角觀
音堂內

福順大王廟在閣老坊

草聖祠在周神廟街祀唐縣尉張旭

旭卒後人傳為儒學土地
神建祠于泮池東北屢著

靈應明張
著撰記

明宏治中知縣楊子器即屠太保庵改建

元陵三郎廟在北門大街即雪北精廬明代爲永安里社鄉約所有碑見金石志

元陵四郎祠在二郎廟內

祝三郎廟在鄧市

四道明王廟在塘頭墅

伍相大王廟在陳浦祀伍子胥他處亦多有伍相庵

沙營大王廟在白茆

閻將軍廟在梅李有劍甲塚洗馬池諸遺蹟互詳寺觀志勝法寺條

朱太尉廟

王舍人廟在許浦

徐大王廟在梅李未審所祀神名

常昭合志稿

卷十五

壇廟

五

高城大王廟在罍里村

李僕射廟在李墓塘祀吳越將李開山

蘇小孃子祠在嚴塘莊久廢

楊王廟在歸家莊

張太尉廟在白茆張士誠曾浚白茆故祀爲土神明洪武四年所建

管七廟在橫瀝里管一德有誥文神爲一德七世祖名副七廟本副七所建以奉二郎神及張許二公名二

聖雙忠廟後副七偕兄副六行賈荆襄遇寇蒙二郎神默佑得遁歸平生仇直義俠既沒爲神輒著靈應遂肖像於廟中後里人直稱爲管七廟

以上里社神及一方所祀土神凡見於舊志者不論廟之存否悉行開載以備稽考

巫公祠祀商相咸及子賢明嘉靖八年巡撫陳祥始建於致道

觀西陳寰撰記

記文畧曰致道觀西地稍隙鄉民據之列樹

縣至常熟既謁 文廟則謁子游祠見商相巫公咸與其子賢皆設木主廡下乃退坐明倫堂進一高等生俾講巫咸故實復進一高等生俾講子游既畢論之曰巫與子游世次前後若此而乃列咸父子於子游兩廡於義何如瞻享既忒神必靡靈此官府責也然事在學校亦漫無建請何耶諸生皆稱謝於是爭舉鄉民墾地僭踰非制請禱為祠公乃付縣令胡君君出公帑償鄉民價命歸墾石留其內門及堂廡橋道後建正殿以奉二木主前臨通衢作石門表曰商賢相巫公祠

後練兵官占為公署

國朝設分防守備遂因之

內附朱公祠祀

明御史

順治十年邑人王夢鼎邵燈改建於讀書臺左旋廢

乾隆九年署糧道雅爾哈善重建自為記

記文畧曰游文書院重門東向重門

之外稍北附牆破屋數椽客有說余者曰公亦知此為商相巫公木主所寓乎余亟問故則曰巫公父子為邑人見史記正義今其苗裔猶僅存舊有專祠在城西明季廢為營署木主無歸幾再遷而後寓諸此也祀事之弗虔也後裔之式微

常昭合志稿

卷十五

祠宇

五

弗克振起也支帑於官而私諸其橐蓋巫公之既祀已數年矣余為蹙然歎息客又曰往者邑中之老嘗以移祀書院言於當事下有司議或以書院行就圯修葺為難或以巫氏之後將因而侵踞弗果行也今公修治之可以久余曰善雖然講席之地不可以輟也伊唔之聲不可以賸也若奉主於少西之堂修篁老幹蔭映後先神所憑依宜無易此況書院之曠悉仍其舊包絡於祠堂之外雖欲侵踞無由矣爰函日戒事奉二相之主以告而入焉 四十一年移祀

游文書院西廳咸豐十年毀光緒二十九年公議重建於學

堂後山麓上

文廟夾宰亦設位奉祀又康熙二十五年知縣楊振藻改資湯門外東莊廟為祠今廢

泰伯祠在迎春門外東倉街 國朝乾隆間修建額設奉祀生

後廢同治十一年重建

每祭額編祭銀壹兩九分五釐

清權祠祀虞仲明成化十七年提學御史婁謙建於虞山北麓

宏治七年巡按劉廷瓚改建於乾元宮旁其後五年知縣楊

子器屬夏時正撰記萬厯丙子修通判劉體道撰記尋圮

國朝康熙二十五年令楊振藻重建尋復圮遷主於阜成門

外虞溪書院額設奉祀生雍正十年改建於鎮江門內嘉慶

三年給帑修咸豐十年毀同治十三年裔孫周姓重建每祭額編

祭銀壹兩九分五釐

言子家廟在縣東街

世為子姓 大宗居守

額設奉祀生一名明宣德間巡

撫周文襄脩葺燬宏治間令楊子器重建邑人桑悅撰記

國朝順治間復毀令周敏同裔孫森修乾隆間博士言德堅

等復建廟後絃歌樓四十八年裔孫如泗重葺并增建後屋

自撰記咸豐十年稍毀

又言子廟在嶽廟東

額曰西城書院

康熙

常昭合志稿

卷十五

祠宇

三

二十五年令楊振藻以西莊廟改建

時奉查毀 淫祠之令

卽其門建樓

曰絃歌樓乾隆十六年令張耀璧修後言如泗復建饗堂大

門咸豐十年亦毀遺址尙存

支塘鎮有言子祠亦康熙年楊振藻以五仙祠改奉木主旋改

正修書院

五夫子祠祀先賢周子二程子張子朱子在翼京門水墩地方

官致祭

每祭捐廉銀二兩

康熙間令楊振藻以中莊廟改建乾隆間

修今廢

錢志云巡撫湯公斌以吳俗多巫覡惑人如上方山與五顯廟尤怪誕糜損民財於是奏請毀廢一切淫

祠改立名賢正神祠廟或取材以充公用而常熟則有五仙廟分東西南北中莊之名一時盡撤其塑像楊侯振藻乃議

取東莊為巫公祠西莊為言子祠中莊為周程張朱五夫子祠鴻文案間當時所撤尙有太姆等廟一時無可位置率以

為五夫子祠故五夫子祠並不止此一所此祠是官祭者耳竊謂五夫子配食學宮其他如社學等處尙宜設位致敬至

別立祠宇於祀典實亦不合出於當時權宜不足為典要至奉祀生專為二程而設自屬程祠不應移置於此也

以上官祭及公建之祠宇

忠義孝悌祠在寺前街乾隆十五年知縣石杰韓桐建五十九年祠裔楊岱修咸豐十年毀同治九年邑人重建每歲春秋常昭兩邑合祭每祭額編祭銀壹兩九分五釐又每祭撥學租米三十石著為例按官志載入祠姓名漢孝子黃香晉忠臣許儒唐孝義龔景才宋忠臣李綱宗澤周虎邱岳王萬王堅王安節孝子周容明忠臣陸子高言信鄧彥章黃鉞景清程式蔣欽繆樸唐天恩陳逅任環王鈇錢泮徐警宗禮查光述趙士端陳瓚趙用賢顧大章瞿式耜王奕昌陳煒卿張承慶忠義項志寧屈坦

常昭合志稿

卷十五

祠宇

三

之馮知十徐嶧徐守質祝舜齡義士徐訥譚照譚曉孝子瞿興嗣虞宗濟錢迪徐植顧坤馬廷試孝義王魯李維麟孝悌蔣安國朝孝子殷鉉沈萬育趙嗣孝席永昇王子齡王松齡劉振時蘇宗芭呂漣王宏綬王樹聲孫穀歸復佺江可禧李象垞程永祖錢邦憲陳模潘縈景流慶湯之仁王世熙王尙祐孫夔臣王之鳳方煥先李文龍孝義楊繼祖舊志云宋李忠定宗

忠簡王忠壯王安節明景忠烈皆非邑人以子孫遷虞故列祀事晉許貞侯明任兵備於邑有捍衛功宜修復專祠王太僕鈇已祠名宦且有褒忠祠均不應列入又繆樸等但以循廉稱亦不應列忠臣亟宜釐正之鴻文案建祠攷祭乃朝廷維持名教振勵風俗之鉅典自當釐定章程循名覈實敬謹將事不宜任意製位送入又歷代忠義孝悌曾荷旌表者

尚多必應與享以彰盛典不可聽其缺畧也

殉節紳民總祠在鎮海門內大街

與二郎神廟為隣現歸廟僧照管俗稱昭忠祠

祀咸

豐十年至同治三年殉難紳民同治六年邑人蘇文海徐藻

錢福棠曾吉章張葆中等集捐公建饗堂廳事等計三十四

楹婦女則祀於饗堂樓上常昭兩邑令合祭

初建時詳請編給祭銀奉批昭

忠祠例設府城今在縣城係屬通融辦理著常昭二縣於春秋捐廉致祭遂每祭捐廉銀二兩

節孝總祠在翼京門內雍正九年建知縣張嘉論撰記

記文畧曰聖

皇御宇特詔天下督撫學臣搜訪窮簷苦節悉以其名聞命府州縣建總祠以祀之標氏名於坊以顯之盛矣哉古未有也邑治西南里許有女天主堂其屋充公用嘉論下車之始度地建祠莫斯堂為宜擇日鳩工一不假手胥吏而專委之節裔諸生於是諸生殷星景行王元勳馬逸羣宗福謙等或分任其責或總司其事始自辛亥之春及秋訖工蓋準令式而加崇麗焉迺選良日奉主人祠典禮咸備每至春秋祭日諸生率其子弟齋宿於廟若主陳設若司奠祝莫不整肅恪

常昭合志稿

卷十五

祠宇

三

恭嘉論願瞻咨嗟乃作而言曰嗚呼自昔以旌典為難得或有勢力者得之而啼號於窮巷之中沒世而名不稱者比比也一旦獲逢盛典搜採無遺乃至前代遺芳沈埋一二百年之久而亦得膺 恩命千秋完人令享一堂然後潛德之幽光始著而天地之正氣以伸所以握化 乾隆五十六年圯祠權而新民行者固在於是而豈細故哉

裔陶廷埜翁咸封官尚變錢用棐等重建增書舍及東西門

樓並置歲修田邑人孫原湘撰記

田計三十九畝六釐租米四十三斗九合 同

治十三年邑人集貲重修又增置歲修田

冊載實田計共九十畝七分二釐七

毫每歲春秋常昭兩邑令合祭

每祭額編祭銀壹兩六錢又撥學租米三十石著為例

黃忠臣祠祀明給事中忠節公鉞初在文學書院西南隅萬曆

間令耿橋移建丹井西後圯

國朝乾隆十一年改建於方

塔寺西咸豐十年毀

今存基址

程公祠祀明員外郎式

土木死難 贈廕立祠

在寺西街咸豐十年毀

遺址 應查

蔣忠烈公祠祀明御史贈光祿寺少卿欽初在書院西南隅萬

曆三十五年合耿橋移致道觀後尋廢 國朝康熙間裔孫

卽青果巷故宅改建咸豐十年毀

今忠烈石 坊尚存

唐公祠祀明葉縣知縣贈光祿寺少卿天恩在慧日寺西嘉靖

間巡按御史華珩題建 國朝順治間裔孫纘芳修錢朝鼎

撰記咸豐十年毀光緒年重修地方官致祭

每祭額編祭銀 壹兩九分五釐

錢公褒忠祠祀明江西左參政贈光祿寺卿泮在道街

初與王 公銑合

祀後改 建於此咸豐十年毀光緒年重建

徐吏目祠祀明剿倭死事贈太醫院吏目營在石梅巖激撰記

常昭合志稿

卷十五

祠宇

三

久廢 國朝乾隆間裔孫重建咸豐十年毀光緒元年裔孫

再建地方官致祭

每祭額編祭銀 一兩九分五釐

瞿忠宣公祠祀明大學士臨桂伯式耜在致道觀乾隆間邑人

姚大勳撰記

舊志瞿留守祠在拂水巖東 乾隆間改爲瞿氏先賢祠

按舊志明代有顧裕愍公大章祠在文學里久廢

屈忠義祠祀明鄉飲賓坦之在朱草浜咸豐間毀同治十年裔

孫允福等重建

繆太僕祠祀贈太僕寺少卿樹本

陝西殉難 卹廕立祠

在石梅白衣庵右

光緒年建

孝義祠在阜成門內武廟下祀唐邑人龔景才

裔孫明刑部 主事立本祠卽

唐麟德元年所旌義宅裔孫序改爲祠

按咸豐初遺址尙存今漸就湮沒

徐孝子祠祀明孝子植在河陽山良福庵

瞿孝子祠祀明贈禮部員外郎興嗣在拂水橋乾隆年建

歸孝子祠祀明孝子復佺在三元堂左

陳孝子祠祀明孝子璠在三元堂左

今存祠基及石坊

潘孝子祠祀明孝子灤在清禾稼橋

景孝子祠祀明孝子流慶在梅李景巷

殷氏雙孝祠祀孝子鉉及妻王氏在香界涇

華氏雙孝祠祀孝子潤及姊大家在龐家街

今存祠基及石坊

按舊志有方塔街王孝子松齡祠今無考周神廟王孝子獻

常昭合志稿

卷十五

祠宇

十四

祠兵燹後未設位附識於此

西成義祠在阜成門外廠基祀明築城紳士晉寧州同王魯後

改爲化城庵裔孫珽購屋復祠

東成義祠在顧家橋東祀明築城義士譚照譚曉

二譚事蹟詳人物志及帙

開志地方官致祭

每祭捐廉銀二兩

屈氏專祠在西莊祀庚申殉難贈學錄春燕子坤厚建

薛周夏三義士祠祀義士薛逢春周貴德夏振榮在小吳市

同治

二年三月率衆禦賊

陣亡祠在利濟庵旁

二烈祠祀明李祐妻盧氏女李氏嘉靖間奉敕就稅課局舊址

建在今稅務巷

後改建慧日寺西又移乾元宮右武進唐順之撰

記萬曆二年附祀朱一鴻妻烈婦張氏崇禎九年附祀浦位

女烈女浦氏龔立本撰二烈祠攷

文畧曰余少時與邵耕夫先生游耕夫爲余言二烈

事邑乘碑記多承譌余心識之弱冠後知白茹之許尙有遺老親稔其詳者亟叩得顛末泊登虞山弔節烈而祠且傾圮迄今丙子楊侯用魏王兩孝廉議鳩工恢復輪奐新余乃得載筆詮次麗牲之石按烈婦盧氏夫姓李名祐先本如臯縣人嘉靖初以避役借棲邑東之金涇有張島周洋者黠而豪盧姿故豔而偶暴其綺羅服島心動擄氏母子置洋幽室中別拷掠祐俾承切盜意在汚盧盧佯唯唯以其間密從庖厨竊一刀抵夜手刃其女次自刎尸戰栗有聲守者方燭之島焚瘞滅跡而械祐解李兵使疑而縱之還過洋所祐從隔窗諭妻善事後夫不知其已死也島沈祐於江秘莫之發又十五六載而里民馬某被島虐走京口控陳直指蕙所條上惡端絕未及茲事直指匿其單下車之初捕島令自款服島首吐茲事直指棟異遂聞於朝請建專祠春秋俎豆制日可馮侯汝淵卽稅課局舊署壘廬像居中女卹而侍島跪伏階前所稱二烈祠也語具鄧貢士縣志中島誣引周縶繫獄洋倖漏網又三年洋怙終不悛人其發前隱於孟侯顏始

常昭合志稿

卷十五

祠宇

妻

正甌辜又數年羅侯鴻因遷祠山麓乞唐中丞撰文傳不云乎所見異辭所聞異辭所傳聞又異辭然則遺老見而知之余聞而知之邑乘碑記則傳聞者乎傳者曰徐宦改建慧日寺西嚴宦又改建乾元宮右易像爲主亦中丞撰碑時也張氏附於萬曆甲戌浦氏附於崇禎丙子張爲朱一鴻妻浦爲浦位女惡犯宗周唐壽並正典刑張積薪自焚浦投水自盡並祀洵無忤色楊名鼎熙京山人魏名冲王名夢鼎

國朝雍正十一年蔣溥修旋廢

乾隆二十九年陳士煌改建於三元堂側又附祀張廷柱繼

妻章氏吳周繼妻厲氏潘智妻張氏三烈婦

今祠廢而基與石碑俱尙存

高節婦祠祀明高祥妻許氏在石梅澗東節婦墓側

節婦年十七嫁未踰

月夫遠出不歸節婦營營無依嚴文靖知而憐之授以一廛守節以終嗣子葬之石梅之側與翁氏祠相鄰

國

朝雍正六年邑人蔣廷錫建節婦歿後屢著靈異凡有所禱

輒示感應而患目疾者禱之尤見效驗邑人遂奉節婦爲眼

光娘娘稱其祠為眼光堂

香火甚盛有尼僧為守祠墓

咸豐十年毀同治

九年重建

蔣節婦祠祀明蔣棻妻季氏在書院街

王節婦祠祀明王瑞隆繼妻戴氏在道署前嗣孫澧建

今廢而坊尚存

按舊志有明徐節婦

裕德妻葉氏

祠在道署東

或云稱表貞祠在察院西

令趙

國琦撰記久廢

明陸節婦

陸茂妻錢氏

祠額稱微顯祠初在學

道書院之左宏治間建後移慧日寺西今訪查遺址未得

張節婦

素詒妻趙氏

祠久廢

王節婦

予輔妻李氏

祠在駱駝浜今訪

查遺址未得

曹節婦祠祀曹雲鴻妻劉氏在程家橋西

常昭合志稿

卷十五

祠宇

美

方節婦祠祀贈主事方炳先妻毛氏在拂水橋東

張節婦祠祀贈御史張朝綱妻謝氏在拂水橋東

景節婦祠祀景象泰妻葉氏在梅李景巷

吳節婦祠祀吳廷樞妻朱氏在殿橋西

金節婦祠祀金玉書妻蔡氏在鎮海門外

李節婦祠祀李錦妻孫氏在三元堂南

存荒基

殷節婦祠祀殷煥妻張氏在唐墅

翁貞節祠祀翁天申繼聘妻王氏暨汝弼妻錢氏在九萬圩

孫氏三節婦祠祀贈中憲大夫永埏妻邵氏贈庶吉士錦妻陳

氏贈奉直大夫鍾妻汪氏在阜成門外咸豐年毀

今存基

蔣節婦祠祀蔣

妻

氏在北門街光緒年建

即在墓前旁有貞節庵

袁節孝祠祀袁照馥妻陸氏在北門街光緒年建

張烈祠祀張承湘繼妻龐氏在北門街

曾孝烈祠祀曾銓文妻夏氏在北門街

汪節孝祠祀汪修爵妻張氏在北門街光緒二十四年建

錢節孝祠祀錢

妻

氏在北門街

屈節孝祠祀屈泰基妻言氏在駱駝浜光緒二十年建

席節孝祠祀席永恒妻蕭氏在虹橋下塘

以上忠孝義節總分各祠

何公祠祀劉宋海虞令子平明宏治九年令楊子器以縣南街

常昭合志稿

卷十五

祠宇

七

溫將軍廟

桑志至正三年道士朱應時初名翌聖廟

改建邑人狄雲漢撰記額曰

何孝廉祠

以遭母喪去官哀毀踰禮所居之屋不蔽風日也

尋廢嘉靖初令沈宏彝

復之十七年令馮汝弼修邑人陳察撰記後嚴氏并祠為宅

移祀慧日寺西又圮

國朝順治間移祀於三元堂邑人孫

朝讓撰記今毀

又撤廟東南有何公祠國朝道光九年子平裔孫何周慎建今基址猶存

范公祠祀宋文正公仲淹

公字蘇州曾來頂山龍祠禱雨又濬沿江諸浦港

初在裘繡

坊 國朝順治間裔孫愷改建於接官亭額設奉祀生咸豐

十年毀光緒間裔孫改建

楊王二公祠祀明知縣楊子器王叔杲萬曆間前令耿橋附建

於文學書院內今存廢址

舊有額編祭銀春秋改祭

王公褒忠祠祀明知縣鈇

公禦倭陣及贈太僕寺少卿

在致道觀左嘉靖三

十八年巡按金澍題建邑人陳逅撰記

初與錢公泮合祀後錢公別建祠宇

國朝同治十三年令魏晦先修地方官致祭

每祭額編祭銀壹兩九分五釐

祠左有亭立瞿文懿築城碑記城爲王公所築也

楊忠烈公祠祀明都御史前知縣漣在翼京門南塘澣

初邑人捐建生

祠送闖肆虐時檄縣折毀倉皇棄公土像於水移日不腐見者駭異負匿於頂山龍祠夾室中密奉香火崇禎二年贈諡

郵應始復祠額

國朝雍正十三年糧道姚孔鈞修自撰記

祠田二十三畝

零邑人王氏所捐歸資福寺收租爲祭祀修葺之費

地方官致祭

每祭捐廉銀二兩

劉公祠祀前糧道鼎在殿橋西

康熙間萬民留葬邑人張廷華捐貲建祠於墓道前

于公祠祀前知縣宗堯在慧日寺西康熙中邑人瞿式鼐捐宅

常昭合志稿

卷十五

祠宇

五

建乾隆十年邑人許坤修陳祖范撰記

記文畧曰康熙初載吳中賦役之法尙未

畫於一至廣盜于侯少年爲令天賦英奇治從性出民困賦役者始獲蘇醒以故本朝賢令侯爲稱首留葬建祠將垂百年日久祠圯東鄉許君莫維獨肩興復之役既成俎豆以落之陳子曰異哉許君館授所入家用裁給顧事此不切之務何哉知其故者曰彼自幼時聞諸乃祖謂吾鄉得以安恬而無叫號隳突之擾者于公惠也繼聞其父亦云間隨父過祠下見齋宇頽毀惻愴情形頗自恨有心而無力而其子哀襄亦能體厥考志十餘年來父子銖積寸累得二百緡乃今始克爲之余曰如若言重可異也凡感恩思報必身受者耳許君年五十餘生不逮于公爲令耳目所不際則德怨兩忘乃特以祖若父之緒言重志而蓄念歷時竟底於成此人情之所難與凡邀名希報及迫於勸募而勉爲義舉者不同也祠經始於乾隆甲子四月告成於是歲九月許君名坤莫維其字邑之東周墅人

泗等捐修如泗撰記

記文畧曰郡志載宦者六人百餘年來尤爲父老感頌不

本朝常熟令人名

衰者于公諱宗堯陳公諱守剗兩公也兩公城內皆有祠于祠在慧日寺街西公年甫十九來作令四年卒官政事大畧

載於志乘康熙間諸生戴兆祚著于公政蹟一冊傳為實錄其於兌漕一事頓革積弊利在生民尤當沒世不忘也公卒官時吾虞之人既聞公之喪葬於虞山西麓復建祠以奉俎豆閱今就圯行路傷焉士大夫鮮不以爲愧余率兒子朝楫倡議釀金告之邑侯奉天鰲公公剋日詣祠相度捐俸以助工役余以爲于公以少年貴公子無聲色狗馬之好而有愛國愛民之心行之以強毅才足副志澤在千秋閱政蹟所載又能慈祥愷悌周悉靡遺任凋敝之區置之衽席卒以勞死廟食於吾鄉真可不愧祀事屢廢而屢舉公雖不以此爲重輕其在吾虞之人尙不至致誚於無良者乎祠之餘屋取質息以爲祠墓歲修之費並爲公誕辰

咸豐十年毀光緒十四年令吳觀樂清理侵地邑人楊泗孫等集捐重建地方官致

祭 每祭捐廉銀三兩

陳公祠祀前知縣守創在嶽廟左武廟右雍正初邑人孫嗣孝

等建乾隆間修咸豐十年毀按舊志西大門一座轉南廳三楹後樓上下六間旁屋一楹

常昭合志稿

卷十五

祠宇

五

據此知地勢尙不狹仄今遺址雖存而界限已不清晰及今不問勢將就湮矣

按舊志尙有元知州盧侯名克生祠元至大二年知州王英

生祠元延祐元年立並在致道觀西廡盧祠是士民公立王

修觀報功祠祀夏忠靖原吉周文襄忱宏治十一年令楊子

爲之未久即廢仍祀二郎神懷德生祠爲明宏治間都御史艾璞巡按御

史曾大有御史張昊知府林世遠知縣楊子器立即在報功

祠左旋改爲社段趙二公生祠萬厯間爲知縣段然趙國琦

立在接官亭後廢改爲湯趙二侯生祠爲知縣湯家相趙育

溥立在縣西街未久林公祠爲知縣林象祖立在湯趙祠左

康熙間建未久亦廢鴻文竊謂以上各祠大半是獻媚者所爲故皆未

久即廢在諸公雖有功德及民皆職分當爲之事今遺澤已遠自可接有其廢莫敢舉之例不復置議惟前志又載有任

公祠祀明兵備參政贈光祿卿任公環在致道觀西原注在錢世恩

祠右桑瑾祠左龔志云公山西長治人倭亂時身親行陣剿寇有功既卒嘉靖乙未上採科臣徐師曾言贈光祿寺卿蔭

一子原籍副千戶詔吳郡建祠歲祀予邑別有專祠亦云久以有勞於邑也云云任公事蹟具詳名宦軼聞兩志

廢今訪其遺址渺不可見考當王公鈇錢公泮陣歿時邑城

新築守備未完非任公夙夜赴援民人詎有子遺此功允宜

血食一方乃數百年來聽其湮廢不復議及又前明賢令以

郭公南耿公橋爲最而皆無祠其不祀名宦祠似並屬缺典

也謹附識之又宋知縣戴衍民爲立生祠弗許乃立二戴祠祀漢經師戴德戴聖衍歿其子爲王萬之婿葬

常昭合志稿

卷十五

祠宇

罕

衍於虞乃附衍木主於二戴祠元知州孔文貞撰記祠久廢前志皆不載惟曾志集文中曾祿戴生高家藏舊刻孔記碑文附識於此

以上歷代名宦祠宇

卜子分祠祀先賢子夏在相莊乾隆三年裔孫枚奉禮部執照

奉祀十年重建祠宇有碑記奉文每年於學租內撥春秋祭銀二兩一錢三分六釐今廢

曾子祠祀宗聖曾子在五丈石宋右丞相懷祔祀

三閭大夫祠祀楚屈平在顧家橋街光緒九年裔孫采麟同族

人建端午日祭

程太守祠祀晉太守元譚在洗馬池係二程夫子始祖晉邑程氏有奉祀生

宗忠簡公祠祀宋東京留守澤乾道初忠簡孫嗣尹爲常額設熟丞子孫遂占籍立祠

奉祀生舊在察院場 國朝道光十年裔孫德懋因祠圯移

建西山塘涇岸

按陳祖范宗氏譜序云忠簡公十三世元武功大夫世臣自潤州來常熟子姓繁衍明正

德年請於有司置專祠崇禎年給守祠生說與舊志異附識之 光緒初裔孫修

衛文節公祠祀宋太師涇在宛山鈎渚渡後裔鑑等建五世孫

常熟訓導鎬附祀邑人陳祖范撰記

王忠壯公祠祀宋寧遠節度使堅

王氏家乘云宋末殉難百谷王輩遠祖也

在錢江

門內大街裔孫元鍾建同治間紹沂紹俊重建

吳浩然祠祀明季義士道配在西門外山麓朱彝尊撰記

顧先生祠祀亭林顧炎武在唐墅

亭林曾寓居語謙涇也

以上遷虞後裔所建之祖祠

吳顧二祠附

常昭合志稿

卷十五

祠字

望

陳北山先生祠祀宋温州教授元大曾在文學里明裔孫煌圖

改建北門外伏虎橋東孫朝讓撰記 國朝雍正九年煌圖

孫祖范修黃叔琳撰記

今存遺址

按舊志有宋王忠惠萬祠久廢

在南門內先改爲福順庵又改爲徐氏宅今無考

王學錄祠祀元國子監學錄裕在讀書里乾隆間裔孫重建

額紉二翁祠在古湫浜明裔孫立附天順八年御史雲和金鐘

建

立知雲和縣識鐘於龔人子中鐘貴遂爲建家祠

吳文恪公祠祀明都御史訥初在縣治東成化間令甘澤建宏

治間令楊子器修又家廟在報慈里後俱廢 國朝嘉慶元

年裔孫東湖等改建於葛家街孫原洲撰記

張修撰祠祀明翰林院修撰洪初在寺南街宏治二年令楊子

器以東殿聖王廟改建 國朝順治十年邑人王夢鼎邵燈

修今改爲庵羅院 按祠雖廢而廟仍在即不能復亦應闢室供奉太主故仍特記

崇勳祠祀明大理寺卿章格在章家角嘉靖元年敕建邵寶撰

記 記文畧曰嘉靖初命文武大臣功在社稷澤及生民者悉于建祠學使者院使者以孝廟名臣大理寺卿章格請焉

賜俞縣令王君承檄即文學里鳩工市材俾耆老鄰臣陳銓董其役經始於壬午冬至次年秋七月訖工扁其堂曰敕建

崇勳祠 後廢而遺址至今尚存 舊志有全名先生祠祀公父御史珪云在縣治北久廢今無考

程尚書祠祀明程公宗在東太平巷 又程家橋西公墓左別建程氏世恩祠

桑淵靜先生祠祀明處州通判瑾在察院場從子柳州通判悅

附祠已久廢而基址 悅別有祠在縣治西宏治間令楊子器計宗道即其

常昭合志稿 卷十五 祠宇 聖

生時舍館改建令段然修并撰記名思元先生祠今查無遺蹟

李文安公祠祀明尚書傑在三元堂鄧鞅撰記 今址僅存遺址

徐公祠祀明侍郎恪在河陽山永慶寺

張公祠祀明建寧知府文麟在步道巷乾隆間裔孫建 今存遺址

嚴公祠祀明封大學士恪在拂水巖上咸豐十年毀光緒元年

裔孫重建

嚴文靖公祠祀明大學士訥在慧日寺西庚申亦毀同治八年

裔孫重建地方官致祭 每祭額編祭銀一兩九分五釐 又錦峯山麓亦有祠

堂兵燹後裔孫重建門牆 在封大學士昌墓道左

嚴邵武祠祀明邵武知府澂在三元堂鍾人鏡撰記 今存基址按文清少

時曾讀書三元堂見王舟州記邑人遂即文靖書堂之右
建祠祀天池又嶽廟左亦有嚴氏祠今存道遙遊屋三楹

嚴公祠祀明主事棻在錦峯下裔孫有禧建即小楞伽遺址
今毀尙存廢基

徐尙書祠祀明尙書棻在梅李頤真館

陳莊靖公祠祀明侍郎贈都御史瓚在桃源澗右今存
基

邵北虞祠祀明教諭圭潔在慧日寺西北
向錢有威撰記 國朝

順治間孫興泳修同治四年族裔崇基重建今實為藥肆惟
樓上奉先生木

圭耳又尙湖之濱別
有一祠名湖田莊

趙文毅公祠祀明侍郎贈尙書用賢在九萬圩瞿汝稷撰記

國朝康熙初孫士春修裔孫嗣孝承孝王槐等
又拓祠基並增置祭田

許公祠祀明祭酒贈詹事士柔初在西門外順治間子瑤建乾

常昭合志稿 卷十五 廟宇 暨

隆間移建於華匯放生池嘉慶間裔孫廷誥清理基地重塩

遺像以祠屬聚奎塔寺僧照管屛軼撰記

按舊志有二陳先生祠祀明都御史察祭酒寰在北門內集

福經堂側今訪查遺址未得

邵公祠祀河道燈在虞山北麓

嚴太僕祠祀太僕寺少卿虞惇在西倉前乾隆間孫有禧建

歸昭簡公祠祀尙書宣光在方塔後子景照建今存榮冠兩朝
圖傳九老石坊

王石谷先生祠祀山人翬在鎮江門內大街裔孫建

以上鄉先生專祠

瞿氏先賢祠祀明副使俊文懿公景瀄太僕少卿汝稷僉事汝

說忠宣公式耜檢討昌文在拂水巖上乾隆二十四年族裔

即忠宣舊祠改建巖有禧撰記

文懿公有專祠在拂水巖西久廢

瞿氏世恩祠祀宋處士萬十三及後之顯者在五渠

季氏世祠在文村祀宋太常少卿陵及後之顯者嘉熙丁酉裔

孫逢昌建元元貞丙申淵修 國朝康熙丁未才重建邑人

孫朝讓長洲尤侗並有記別有支祠在羅墩裔孫天祿建子

安撰記

錢氏世恩祠祀吳越五王及後之顯者在致道觀右裔孫岱撰

記乾隆間鵬飛脩光緒三年祿泰等重建

王氏世恩祠祀元學錄裕及後之顯者在嶽廟右明萬厯間裔

常昭合志稿

卷十五

祠宇

器

孫嘉定建 國朝順治間夢鼎重建

今存基

翁氏世恩祠祀明贈給事中拱極及後之顯者在石梅萬厯年

建 國朝康熙間增建尚書叔元祠咸豐十年毀同治十一

年裔孫同爵重建

蔣氏世恩祠舊在乾元宮後康熙間裔孫陳錫移建於邵巷立

懷蓋興文石坊乾隆間果元樞修

今存遺址石坊及碑

周氏世恩祠在石虎墳

孫氏家祠祀明考功郎紀贈主事艾及後之顯者在西門內山

麓

即大石山房舊址

明嘉靖間裔孫耒建 國朝順治間朝讓修

歸氏家祠祀唐宣公崇敬及後之顯者在三元堂左

陸氏家祠祀元莊簡公屋及後之顯者在虞山北麓順治間裔

孫輅建乾隆間金鱗重建存否應查

楊氏宗祠在唐墅裔孫彝建顧炎武撰記

邵氏家祠祀始遷祖嘉祚及後之顯者在西門外東經堂右

李氏賢良祠在西門內山麓

魏氏家祠在報慈橋右

席氏家祠在頂山

孫氏家祠在鎮海門外採訪稿所載如此今鎮江門外別有葭州知州孫嗣孝祠

繆氏家祠在桃源澗

楊氏家祠祀始遷祖德賢裔孫岱建梁同書撰記

常昭合志稿 卷十五 祠宇 罍

龐氏家祠祀始遷祖潑以下在徐莊

南張鄉賢祠在北門街

西門陳氏祠祀明車駕郎克讓撫州知府言在南倉今尚未查明

胡氏祠在小三台卽蔣氏日涉園遺址

朱氏家祠祀山人祺之始祖以下在沈家市東翁心存撰記嘉慶

問裔孫雲錦置祭田

以上闔邑紳士家祠

